



28 Jun 2012
28 June 2012
P.U. (A) 200

WARTA KERAJAAN PERSEKUTUAN

FEDERAL GOVERNMENT GAZETTE

PERATURAN-PERATURAN PERTUBUHAN
MENTERI-MENTERI PENDIDIKAN ASIA TENGGARA
(SEAMEO) (KEISTIMEWAAN DAN KEKEBALAN) 2012

*SOUTHEAST ASIAN MINISTERS OF EDUCATION
ORGANIZATION (SEAMEO)
(PRIVILEGES AND IMMUNITIES) REGULATIONS 2012*



DISIARKAN OLEH /
PUBLISHED BY
JABATAN PEGUAM NEGARA /
ATTORNEY GENERAL'S CHAMBERS

AKTA ORGANISASI ANTARABANGSA (KEISTIMEWAAN DAN KEKEBALAN) 1992

PERATURAN-PERATURAN PERTUBUHAN MENTERI-MENTERI PENDIDIKAN
ASIA TENGGARA (SEAMEO) (KEISTIMEWAAN DAN KEKEBALAN) 2012

PADA menjalankan kuasa yang diberikan oleh subseksyen 3(1) dan 4(1) dan seksyen 11 Akta Organisasi Antarabangsa (Keistimewaan dan Kekebalan) 1992 [*Akta 485*], Menteri, dengan persetujuan Menteri Kewangan, membuat peraturan-peraturan yang berikut:

Nama dan permulaan kuat kuasa

1. (1) Peraturan-peraturan ini bolehlah dinamakan **Peraturan-Peraturan Pertubuhan Menteri-Menteri Pendidikan Asia Tenggara (SEAMEO) (Keistimewaan dan Kekebalan) 2012**.

(2) Peraturan-Peraturan ini mula berkuat kuasa pada 1 Julai 2012.

Tafsiran

2. Dalam Peraturan-Peraturan ini, melainkan jika konteksnya menghendaki makna yang lain—

“Badan-badan subsidiari” ertinya pusat serantau yang ditubuhkan di bawah Organ Pertubuhan Menteri-Menteri Pendidikan Asia Tenggara yang dinyatakan dalam Jadual;

“Organ” ertinya organ-organ yang ditubuhkan oleh Pertubuhan Menteri-Menteri Pendidikan Asia Tenggara yang dinyatakan dalam Jadual;

“pegawai” ertinya seseorang pegawai Pertubuhan Menteri-Menteri Pendidikan Asia Tenggara tetapi tidak termasuk pegawai tempatan;

“Pegawai Tinggi” ertinya seseorang yang memegang jawatan ketua eksekutif bagi setiap Organ atau badan-badan subsidiari Pertubuhan Menteri-Menteri Pendidikan

Asia Tenggara dan, dalam hal apabila suatu badan subsidiari mempunyai pejabat di Malaysia, ketua badan subsidiari tersebut juga di Malaysia;

“Persidangan Antarabangsa” ertinya semua aktiviti yang dianjurkan oleh Organ di bawah Pertubuhan Menteri-Menteri Pendidikan Asia Tenggara termasuk mesyuarat, persidangan, forum, seminar, bengkel, penyelidikan dan kursus;

“Pertubuhan Menteri-Menteri Pendidikan Asia Tenggara” ertinya pertubuhan yang ditubuhkan melalui Piagam Pertubuhan Menteri-Menteri Pendidikan Asia Tenggara yang ditandatangani di Singapura pada 7 Februari 1968 dan termasuklah Organnya dan badan-badan subsidiari yang ditubuhkan di bawah Organ itu.

Pengisytiharan Pertubuhan Menteri-Menteri Pendidikan Asia Tenggara menjadi organisasi antarabangsa

3. Pertubuhan Menteri-Menteri Pendidikan Asia Tenggara diisytiharkan menjadi suatu organisasi antarabangsa yang baginya seksyen 4 Akta terpakai.

Keperibadian juridikal

4. Pertubuhan Menteri-Menteri Pendidikan Asia Tenggara hendaklah mempunyai keperibadian juridikal dan hendaklah mempunyai keupayaan—

- (a) untuk membuat kontrak;
- (b) untuk memperoleh, memegang dan melupuskan harta alih dan harta tak alih; dan
- (c) untuk memulakan prosiding undang-undang.

Keistimewaan dan kekebalan Pertubuhan Menteri-Menteri Pendidikan Asia Tenggara

5. Pertubuhan Menteri-Menteri Pendidikan Asia Tenggara hendaklah mempunyai keistimewaan dan kekebalan sebagaimana yang dinyatakan dalam Jadual Pertama Akta.

Keistimewaan dan kekebalan Pegawai Tinggi

6. (1) Pegawai Tinggi hendaklah mempunyai keistimewaan dan kekebalan sebagaimana yang dinyatakan dalam Bahagian I Jadual Kedua Akta.

(2) Seseorang bekas Pegawai Tinggi hendaklah mempunyai kekebalan sebagaimana yang dinyatakan dalam Bahagian II Jadual Kedua Akta.

Keistimewaan dan kekebalan orang yang ditauliahkan kepada, atau yang hadir di, persidangan antarabangsa yang dianjurkan oleh Pertubuhan Menteri-Menteri Pendidikan Asia Tenggara

7. (1) Seseorang yang ditauliahkan kepada Pertubuhan Menteri-Menteri Pendidikan Asia Tenggara, atau yang hadir di, sesuatu persidangan antarabangsa yang dianjurkan oleh Pertubuhan Menteri-Menteri Pendidikan Asia Tenggara sebagai wakil—

- (a) suatu negara selain Malaysia;
- (b) suatu organisasi antarabangsa; atau
- (c) suatu organisasi seberang laut,

hendaklah mempunyai keistimewaan dan kekebalan sebagaimana yang dinyatakan dalam Bahagian I Jadual Ketiga Akta.

(2) Seseorang yang tidak lagi ditauliahkan kepada Pertubuhan Menteri-Menteri Pendidikan Asia Tenggara, atau yang telah hadir di, sesuatu persidangan, sebagai wakil, hendaklah mempunyai kekebalan sebagaimana yang dinyatakan dalam Bahagian II Jadual Ketiga Akta.

Keistimewaan dan kekebalan pegawai selain Pegawai Tinggi

8. (1) Seseorang pegawai hendaklah mempunyai keistimewaan dan kekebalan sebagaimana yang dinyatakan dalam Bahagian I Jadual Keempat Akta.

(2) Seseorang bekas pegawai hendaklah mempunyai kekebalan sebagaimana yang dinyatakan dalam Bahagian II Jadual Keempat Akta.

Keistimewaan dan kekebalan orang yang sedang berkhidmat dalam jawatankuasa atau sedang mengambil bahagian dalam kerja, atau sedang melaksanakan misi bagi pihak, Pertubuhan Menteri-Menteri Pendidikan Asia Tenggara

9. (1) Seseorang yang sedang berkhidmat dalam sesuatu jawatankuasa yang ditubuhkan oleh Pertubuhan Menteri-Menteri Pendidikan Asia Tenggara atau yang sedang mengambil bahagian dalam kerja, atau yang sedang melaksanakan suatu misi bagi pihak Pertubuhan Menteri-Menteri Pendidikan Asia Tenggara hendaklah mempunyai keistimewaan dan kekebalan sebagaimana yang dinyatakan dalam Bahagian I Jadual Kelima Akta.

(2) Seseorang yang telah berkhidmat dalam jawatankuasa atau yang telah mengambil bahagian dalam kerja atau yang telah melaksanakan suatu misi hendaklah mempunyai kekebalan sebagaimana yang dinyatakan dalam Bahagian II Jadual Kelima Akta.

Penepian

10. (1) Persidangan Majlis Pertubuhan Menteri-Menteri Pendidikan Asia Tenggara hendaklah mempunyai hak untuk mengetepikan kekebalan yang diberikan kepada Pertubuhan Menteri-Menteri Pendidikan Asia Tenggara daripada apa-apa proses undang-undang selain pelaksanaannya.

(2) Sesuatu Negara Anggota Pertubuhan Menteri-Menteri Pendidikan Asia Tenggara atau Ketua Organ atau badan subsidiari kepada Pertubuhan Menteri-Menteri Pendidikan Asia Tenggara hendaklah mempunyai kuasa dan kewajipan untuk mengetepikan keistimewaan dan kekebalan yang diberikan kepada mana-mana orang yang ditauliahkan kepada Pertubuhan Menteri-Menteri Pendidikan Asia Tenggara, atau yang hadir dalam Persidangan Antarabangsa yang dianjurkan oleh Pertubuhan Menteri-Menteri Pendidikan Asia Tenggara sebagai wakilnya jika, pada pandangan Negara Anggota atau Ketua Organ, keistimewaan dan kekebalan itu akan menghalang perjalanan keadilan dan boleh diketepikan tanpa menjejaskan maksud yang baginya kekebalan itu diberikan.